



# Fréttabréf Garðasels

Janúar 2018

Gleðilegt ár



## Þema janúar

Í janúar verður unnið með þorrann og gamla tímann. Hvernig voru húsin í gamla daga? Hvaða matur var þá borðaður? Hvernig leikföng voru til? og margt fleira verður örugglega rætt og skoðað frekar. Margt er hægt að gera og vinna með sem tengist gamla tímanum, s.s. sögur, leiki og hefðir og heimsóknir í Byggðasafnið þar

sem húsnæði og munir gamla tímans ráða ríkjum. Hver deild skipuleggur sína vinnu þar sem tekið er mið af aldri og þroska barnanna.

## Diskódagur

**Föstudaginn 12. janúar** er Diskódagur. Þá setjum við upp diskóljós og eitthvað glimmer sem gleður. Gel í hárið og glimmer – dansað saman og haft gaman ☺



## Ljósadagur

**Fimmtudaginn 18. janúar** er ljósadagur og þann dag mega börnin koma með vasaljós með sér í leikskólann til að leika með inni og úti. Þetta hefur alltaf verið spennandi og skemmtilegur dagur. Samræður um gamla tímann og hvernig fólk fór að því að elda matinn og lýsa upp

húsin sín tengist þessum degi – þó ekki hafi vasaljósum verið til að dreifa í “ gamla daga

## Bóndadagskaffi

**Föstudaginn 19. janúar kl: 8.00 – 9.30** bjóðum við þöbbum og öfum að koma til okkar í morgunkaffi frá kl: 8.00 til 9.30 í tilefni bóndadagsins. Boðið verður upp á nýbakað brauð ( m/ osti, gúrnum ) og kaffi. Vonum að sem flestir eigi þess kost að kíkja til okkar ☺



## Þorrablót

Þorrablót verður **Þriðjudaginn 23. janúar** fyrir börn og starfsfólk í leikskólanum.

Boðið verður upp á slátur og meðlæti og síðan verður þorramatur á sérborði þar sem sittlítið af hverju verður í boði ( súrt og nýtt).

## Breyting á starfsmannahaldi

Hafrún Jóhannesdóttir, deildarstjóri, kemur aftur til starfa 1. janúar. Hún verður í sérverkefni tengdu útinámi ásamt því að sinna tilfallandi störfum í leikskólanum fram til sumars.

## Flöskusöfnunin í desember

Flöskusöfnunin í desember gekk mjög vel en rúmar 26.000 kr söfnuðust og færum við foreldrum og börnum bestu þakkir fyrir góða aðstoð. Söfnunin var til styrktar Barnþorpum SOS og var andvirði söfnunarinnar lagt inn á reikning samtakanna fyrir jólin.

Garðasel er Sólblómaleiksskóli Barnþorpa SOS og framlag barnanna og skólans er þessi árlega söfnun okkar. Einkunnarorð Sólblómaleiksskóla er ;

***Börn geta hjálpað öðrum börnum og gert heiminn að betri stað til að búa á.***



## Hálka og snjór

Á þessum árstíma er oft rysjótt tíð og getur færðin verið erfið og því þarf að fara varlega. Þegar snjór er búið að ryðja bílastæði og göngustíga við leikskólann áður en

hann opnar að morgni. Einnig er búið að salta bílastæði og göngustíga þegar hálka er en það tekur saltið einhvern tíma að gera sitt gagn. Foreldrar eru því beðnir að sýna varkárni við slíkar aðstæður.

Innan skólalóðar sjáum við, starfsfólk skólans, um að sanda og salta þegar þarf. Ef mikil hálka er á lóð þá er útivist takmörkuð verulega eða sleppt af öryggisástæðum.



## Fatnaður, snuð og aðrir munir barna..... merkja vel

Enn og aftur er minnt á nauðsyn þess að merkja allt sem börnin eiga og koma með í skólann, sérstaklega allan fatnað og líka snuðin. Ekki er hægt að gera ráð fyrir að starfsmenn þekki alla vettlinga, húfur og annan fatnað barna og geti fundið það sem vantar, í lok dags, án merkinga. Ábyrgðin er ykkar, kæru foreldrar, merkið eigur barna ykkar vel þannig að þær skili sér frekar ef þær fara á flakk.



**Leikföng og smáhlutir** sem börnin koma með í skólann að morgni eru einnig á ábyrgð foreldra og barna. Þegar börnin eru sótt hefst oft mikil leit að einhverju sem börnin koma með að morgni, setja einhvers staðar frá sér og muna ekki hvar. Stundum fara þessir hlutir með öðrum efnivið í leik dagsins og því erfitt að finna þá. Ekki biðja starfsmenn í lok dags um að leita að þessum hlutum, þeirra hlutverk er að vera með börnunum og sjá um að allir séu kvaddir vel frekar en vera á hlaupum við leit. Það sem vantar finnst væntanlega næsta dag og barnið setur það þá í skúffuna sína. Best væri að börnin kæmu **ekki** með leikföng eða smáhluti með sér því í skólanum er nægur efniviður fyrir alla.